

國朝詞綜續編

國朝詞綜續編卷二十三

吳縣 潘介繁 襄校

仁和 徐慶銓 編次

平湖 張炳堃 增訂

錢塘 諸可寶 校勘

永康 胡鳳丹 監刊

孫雲鳳 九首

孫雲鶴 一首

孫蓀意 二首

李佩金 三首

孔蘭生 一首

葉俊傑 一首

沈芳 六首

王蘭佩 一首

席佩蘭 一首

歸懋儀 二首

梁德繩

一首

張襄

一首

黃鳳

一首

吳瑛

一首

楊繼端

三首

汪玉軫

二首

張細英

二首

屈鳳輝

一首

馮蘭貞

二首

陳芳藻

二首

郭慧嫻

二首

莊盤珠

八首

汪菊孫

三首

吳規臣

一首

席慧文

一首

方懷英

一首

許庭珠

一首

湯芷

一首

沈善寶

一首

徐延照

一首

丁采芝

二首

楊承惠

一首

孫雲鳳

字碧梧仁和人  
有湘筠館詞二卷

郭頻伽云湘筠詞寄意杳微含情幽渺置之  
花間集中當在飛卿延巳之間黃韻甫云  
湘筠詞婉約淒遠短調尤韻愁脂楚楚如海  
棠之在秋也

菩薩蠻

華堂宴罷笙歌歇  
夜深香裊爐煙碧  
酒醒小屏風  
燭花相對紅  
玉釵金翠鈿  
柳葉雙蛾淺  
日午未成妝  
繡裙雙鳳凰

又

翠衾錦帳春寒夜  
銀屏風細燈花謝  
鴛枕夢難成  
綠窗曉曉鶯  
愁來天不管  
鬢墮眉痕淺  
燕子不還家  
東風天一涯

浣谿沙

十二珠簾掩碧窗  
懶吟慵繡不成妝  
困人時節日初長  
湖水雨餘浮鴨綠  
柳絲風暖漾鵝黃  
畫船猶記落花香

柳梢青

紅藥東風綠陰疎  
雨何處鳴鳩  
門掩殘春  
簾垂清晝  
人倚高樓  
絲絲不斷  
離愁似芳草  
萋萋遍洲天  
若有情  
月如無恨水亦西流

點絳脣

折柳尊前離亭歌罷  
西風冷路遙  
酒醒立盡  
斜陽影  
流水行雲從此知  
難定關休  
凭月殘煙暝  
總是淒涼境

水龍吟 游絲

雨晴乍煖猶寒清明時節閒庭院飛花簾幙輕煙池館  
繡牀鍼綫曲曲迴腸悠悠愁緒隨伊縈轉颺芳郊翠陌  
流雲去水渾無著教誰管九十韶華過半記南園踏  
青歸晚紅香影裏綠陰疎處飄揚近遠搖漾吟魂慳騰  
午夢頓成春懶但垂垂斜日小闌人靜畫東風軟

浪淘沙

風螢

青影亂簾旌點點春星碧天如水月華明深院夜涼人  
乍定吹墮銀屏闌外竹聲清半臂紗輕玉階猶憶那  
時情團扇輕羅兒不住茉莉釵橫

浣谿沙

小院濃陰綠更幽  
鷓鴣聲裏夕陽收  
棗花微雨釀成秋  
涼月玉簫懷舊夢  
東風池草惹新愁  
一春心事倚高樓

應天長

錦衾香冷消蘭麝  
明鏡黛眉慵不畫  
重簾下憐深夜細  
雨短檠寒穗謝  
柳梢新月挂  
記得晚涼初夏花底酒  
闌歌罷箇儂蟬鬢卸

孫雲鶴

字蘭友  
仁和人

沁園春

指甲

雲母裁成春冰碾  
就裏住蔥尖憶綠窗  
人靜蘭湯悄試  
銀屏風細絳蠟輕彈  
愛染仙葩偶調香粉  
點上些兒玳

瑣斑支頤久有一痕鉤影斜映顛間  
摘花清露微黏  
削繡綫雙虹桂月邊把霞裳暗拍代他象板藕絲自雪  
招個連環未斷先愁將修更惜女伴鏡前比並看消魂  
處向紫荊花上故逞纖纖

孫蓀意

字秀芬一字苔玉仁和人蕭山高第室有衍波詞二卷

卜算子慢

暗螢穿戶缺月籠雲門掩深沈院宇暈入鐙花漸覺涼  
生白芒到黃昏更下疎疎雨聽檻外蕭蕭槭槭芭蕉葉  
葉如語 此際別情苦念往日歡悵今宵愁緒倚徧熏  
篝祗恨夢魂無據劃金釵自把郵程細數記取相思萬  
種待歸時說與



菩薩蠻

枝頭村宇嘯聲急一簾絲雨和愁織花事太恩恩苔階  
黦落紅 晝長春繡懶偏髻拖殘綫斜倚小屏山含情  
憶去年

李佩金

字初蘭長洲人  
有生香館詞

菩薩蠻

秋夜書懷

冰輪碾破遙空碧砧聲敲冷相思夕望斷雁來天瀟湘  
煙水寒 玲瓏花裏月知否人間別一樣去年秋如何  
幾樣愁

蝶戀花

記得黃昏耽靜坐寵柳嬌花春恨吟難妥珠箔飄鐙風

婀娜四圍碧浪春痕斂 譜就紅鹽蘭燭墮擊碎珊瑚  
唱徹誰人和提起閒愁無一可淚絲彈瘦細桃朵

金縷曲

莫春月夜懷林風晚蘭於吳中時余將赴中州感賦此解

月照梨花白背銀屏疎檠黯澹薄寒猶怯煙暝星搖青  
欲墮幾樹香桃紅溼卻正是銷魂時節夢影迷離歸路  
遠聽嗁鵲泣遍春山碧飛不度暮江闊 柔腸細綴丁  
香結想於今去原有恨住還無益兩地相思終不見何  
似翻然輕別怕此後更無消息一點墨痕千點淚看蠻  
箋都漬殷紅色虬箭響四更徹

孔蘭生

曲阜人舉人昭恆女桐城方錫珩室

雨中花令

題從嫂司馬夢素女史秋海棠遺畫

腕底酸紅冷翠寫出秋容如醉恨殺西風情太惡吹黯  
冰絲淚 閒把畫圖相晤對又朵朵階前顛顛更惱甚  
一聲蛩語咽寒夜心頭碎

葉俊傑

字柏芳江夏人署長沙府通判刑部  
女吳橋知縣孔昭誠室有柏芳閣詞

如夢令

籬畔紅梅香透又是賞春時候不見詠詩人辜負豔陽  
清晝儂懨懨病骨畏寒花瘦

沈芳

字夢湘長洲人諸生願  
春山繼室有寂寥詞

黃韻甫云夫人好讀書耽吟詠兼工繪事筆  
墨所入輒以周貧乏曰吾無儼寒憂爾此何  
用慷慨豪爽有俠士風詞律謹嚴神韻超妙  
足以洗刷浮隘

東風第一枝

柳絮

拂水成積隨花吹淚韶光欲繫難住漫疑晴雪飄香豔  
說謝庭詠句尋芳漸懶怪小巷綠陰如許向樹底亂撲  
輕煙腸斷踏歌人去空倚徧繡簾綺戶難忘是寶釧  
翠羽落紅猶積谿橋那得一般解語離懷正苦莫誤認  
鬢絲添素更杜宇催送春回幾點弄愁疎雨

一枝春

春雨

作弄輕寒又廉纖釀出離愁多少香車待覓小徑溼煙  
難埽蕭條院宇漸綠長滿階芳草空自望千里行雲雁  
足不傳書到黃昏最憐人悄正疏簾半卷一燈相照  
十年舊事頓使暗縈懷抱寒衾倦聽和鶯語隔窗催曉  
腸斷是零落梨花好春易老

念奴嬌

落花

香銷玉減又東風斷送輕紅撩亂誰倚湘簾彈粉淚一  
霎陽階吹滿天上瓊宮人間金屋豔色難常戀飄零如  
許杜鵑深夜唳斷惆悵薄命生成韶華逝水夢裏人  
難喚曾怕寒欺圍錦帳又替花愁春短忍拾殘脂慵尋  
碎佩獨立深深院多情明月照來離恨何限

暗香

落梅

夢回寒怯正雨餘小院斜飛香雪一曲玉龍吹曉霜天  
喚愁絕寂寞聞谿照影空孤負五更殘月料倩女裊裊  
離魂昨夜返瑤闕情切向誰說記翠袖凭闌那回同  
折冶游易歇江北江南忍輕別腸斷幾聲怨鶴偏絕似

嗁鶻淒咽悵後約橋畔路但看綠葉

憶舊游

記梅邊款語檻外論詩靜院無人短夢憑風過悵花飛  
蜨瘦易誤芳辰冷香尙畱殘菊簾卷更銷魂又作弄秋  
聲梧桐細雨生怕黃昏思君舊吟句道一樣愁懷共  
掩閒門眼底淒涼况料春暉同恨珠淚沾巾小橋暗通  
流水空自約湔裙但倚徧危闌悠悠望斷日暮雲

長亭怨慢

次步華夫人韻

正惆悵綠迷煙樹夢隔紅樓暗愁如許燕子銜花此時  
春滿畫橋路舊游難續還只恐流鶯去獨自立蒼苔記  
那日月鞦同步延伫怨東風易老兩地錦箋慵賦懶

慊意緒但鏡裏恨添眉宇閉閉門暗數韶光枉過了幾  
番晴雨又滿院濃陰生怕蝶來都誤

王蘭佩

錢唐人佚其名有  
靜好樓詩詞集

蘇幕遮

靨邊紅眉上翠鸞鏡無情早報人顛顛病起但知因病  
累未病前時先已心如醉倚風蘭零露蕙秀弱香清  
只恐根莖脆好向空王求懺悔花莫芬芳人也休聰慧

席佩蘭

字韻芬昭文  
人孫子瀟室

壺中天

和歸佩珊女史雨窗填詞韻

水雲如墨弄秋陰釀出一天詩意恰好箇人新病起愁  
味與秋同至草褪紅心苔酣綠髮繡徧淒涼地簾兒風

揭窗兒卻被風閉 一任小女題鮫雙鬢送酒有甚閑  
情致只看雨零蕉葉上悟出美人前世癡惜花魂嬌憐  
蝶夢減盡眉邊翠擲臺而起干卿畢竟何事

歸懋儀

字佩珊琴川人上安  
李安之室有聽雪詞

風蝶令

題美人便面

畫裏春風面懷中明月光綠陰消受午風涼料得秋深  
夢淺不成妝 窈窕神仙質聰明玉雪腸句成應是費  
商量待看筆花吹作滿身香

清平樂

十六夜聽雨次圭齋妹春月之韻

夕陽西下月向簷前挂香靄空濛花夢惹此景宜詩宜  
畫 輕寒一縷穿寮夜深沈水添燒華燭清尊昨夜昏





百尺也賞綠窗吟課慚愧殺論班說左多少英才門下  
士更傳鐙分與蘭闈火珠玉似咳和唾 愁人今向愁  
城坐悔髫齡塗鴉幾字外間流播冰雪聰明天付與未  
免言之太過况齒及蛾江血漉父觀未歸兒遠適問孤  
孀母子依誰可將伯告倘予和

黃

鳳

字絳雲蕪湖人  
陶明經時雨室

如夢令

憶外

晝永心愁如病望斷天涯歸信薄倖慣飄零空把金錢  
卜盡愁聽愁聽人道重陽時近

吳

瑛

字若華平湖人吳樹屏少宰女同邑  
屈恬波室有芳蓀書屋存稿詞一卷

憶真如

鷓鴣

齊飛錦翅嗁春戲煙津一曲幾多清怨喚離人  
湘水闕荒祠冷弔黃昏翻羨縷金雙影綴紅裙

楊繼端

宇古雪遂甯人同知輯五女主  
薄張問萊室有古雪詩餘一卷

百字令

海棠

綵絲誰縮似紅兒待聘錦帷春鎖粉本燕支爭畫到無  
此輕盈婀娜弱不禁風嬌還帶雨春有痕難裏玉纖摘  
去絳雲飛上釵朵 早又時節中和清明漸近香減熏  
匳火欲繫好春無氣力遲日慙慙低鞞殘夢初迴宿醒  
猶倦判得消魂我高燒銀燭夜深休放花臥

買陂塘

西冷送春

最難忘六橋煙柳清陰搖蕩如許東風吹得春來早怎

不繫將春住成寄旅聽記拍紅紅唱徹黃金縷深沈院  
宇漸拾翠人稀添香夜短獨自甚情緒 渾無據惆悵  
鶯嗁燕語韶光容易飛去青山綠水還依舊瞥眼頓成  
今古傷別否試問取春歸可是春來處摧花墮絮又併  
作黃昏疎疎淅淅幾陣打窗雨

金縷曲

憶母

兩載萱闈隔夢魂中相依歡笑宛然疇昔痛殺椿庭長  
逝後蜀嶺吳山分翼聽杜宇催歸聲急身不爲男終遠  
別看慈烏反哺悲何及知甚日侍晨夕 浮生薄宦萍  
蹤跡念隨行天涯夫婿也同爲客兒已半生愁病裏白  
髮那堪相憶惟默祝康強逢吉故里重經門巷改幸眼

前愛護佳兒媳思往事淚頻拭

汪玉軫

字宜秋吳江人陳某室  
有宜秋小院詩詞二卷

菩薩蠻

西風庭院人淒絕梧桐幾片殘秋葉敲著紙窗榻孤衾  
和夢聽長更和短角催得燈花落觸目總銷魂低頭  
見淚痕

海棠春

無端一夜東風驟便吹得杏花消瘦待等小桃紅是晚  
春時候惜花心事花知否看鏡裏雙眉長皺花信一  
番番只芳年難又

張縉英

字縉青陽湖人張奇女江  
陰章政平室有縉青遺稿

更漏子

聽幽蛩鳴玉砌月影重門深閉清露冷漏聲微敲窗敗  
葉飛 簾半捲人微倦閒倚熏籠題扇爐煙裊畫屏深  
添香學撫琴

疏影

賦得蛛絲網落花

簷蛛暝織放游絲一縷黏住香魄滿地餘芳不卷重簾  
正怯晚來淒寂東風又是頻吹送共柳絮一般輕別忍  
看他冒盡殘紅春去者番難覓 澹月深林乍影小樓  
凝望處懸布籬隙恰似閒愁繫得芳心一刻幾回欹側  
多情鳳子尋香夢想葉底雙雙憐惜莫教他粉翅飛來  
隨著春魂狼籍

屈鳳輝

字梧清平湖人胡之垣  
湘雷室有古月樓詩詞

水晶簾

春雨濛濛草色齊繡簾垂暮雲低愁聽林中時有一鶯  
嗁無奈落花畱不住亂紅飛過小橋西

馮蘭貞

字馨畦金壇人于礪溪太  
守尙齡室有吟翠軒稿

南柯子

春盡寒猶在愁多夢不成月華如練上簾旌爲愛一窗  
花影故吹鐙灘響風初息更殘漏未停卻憐杜宇喚  
聲聲無奈天涯誰肯覓歸程

疏影

梅魂

空庭寂寂悵冰痕一縷誰更描得瘦影荒煙冷雨前村

猶認舊時江驛輕盈儻化梨雲去便翦紙招來難覓又  
依稀淩水黃昏喚起數聲風簌 彷彿亭亭倩女夕陽  
移素影一樣清絕月地濛濛雪徑沈沈剩有嗁禽消息  
幾生縱使重修到已悟徹者番空色等甚時購取名香  
可奈土花寒碧

陳芳藻

字瑞芝祁陽人金壇于彭齡室有挹秀山莊詞

清平樂

寒光皎潔認取秦時月爲問圓冰清到骨可貯芙蓉顏  
色 愁來怕上眉梢恐伊知我魂消顧影卿憐誰瘦朝  
朝相對無聊

南浦

春柳用玉田春水詞韻



嬈娜舞長條繞隄翠幕金衣曉  
細縷蘸晴波低搖漾水面落紅頻  
掃柔情弱態盈盈十五憐嬌小  
十里曉風殘月岸譜入才人詞草  
樓頭觸起相思覓封侯忍把年華  
負了怕見擘棉時飄零恨點點紗  
窗飛到韶光易渺杜鵑喚得春歸  
怕回首灞陵橋畔路綰住離愁多  
少

郭慧姨

字佩芳吳縣人  
有鳳池仙館詞

南鄉子

聞笛

隔院度紅腔細逐宵風轉曲廊  
四顧無人蛩語歇微涼惜少歌喉  
嚙泰嬈夜色照瑤窗酒盞猶溫  
月過牆雨被蟬琴彈住了梅黃  
又報梅花落楚江

擣練子

曉從聖因寺入錢唐門

殘月白早霞紅岸柳依依戰曉風傷水人家門未啓隔湖吹墮一聲鐘

莊盤珠

字有秋水軒詞蘭陵人

黃韻甫云秋水軒詞靈心妙舌動若天籟深得三百篇古樂府神理

浣谿沙

初夏

睡起紅留枕上紋病餘綠減鏡中雲畫簾窳地又斜曛  
倦蝶分明尋斷夢浮萍容易悟前因無聊天氣奈何  
人

意難忘

重游近園

桂粟凝黃記鎧燃蘭檻月漾銀塘紅牙互按曲烏舫競

傳觴吹鬢影送衣香風也忒恁忙問此生開懷有幾忍  
負秋光者番重到淒涼似辭巢燕子更過空梁梅還  
如我瘦草竟比人長待去也轉秀徬住又費思量只任  
他柴門深鎖一片斜陽

踏莎行病起卽事

最怕殘春亂紅堆徑今年人比花先病不教細雨幾番  
催雷春一日花應肯風定簾間燕眠梁靜清明近也  
寒還剩空簷病起已無花夕陽只照游絲影

又春柳

曉月離亭斜陽古渡有時遮斷行人路桃花作伴過清  
明誰家池館藏煙雨拂岸千絲縈橋萬縷影隨流水

何曾去笑他無計，縮東風濛濛吹起漫江絮。

菩薩蠻

春蘭

羣芳逞媚韶光裏，一花秀影偏無比。草綠不逢人，空山忽見君。立驚遺世獨，獨抱幽香宿。春澹只如秋，芳心不貶愁。

又冬夜

梅枝正壓垂垂雪，梅梢又上娟娟月。雪月與梅花，都來作一家。也知人世暫有聚，翻成散。月落雪消時，梅花賸幾枝。

探芳訊

絡緯

冷消息到曉，露牆根晚煙籬隙。正繡衾夢斷，西風豆花

急殘鐙窗裏明還暗月在窗前白忽驚猜巷北街西那  
家宵績何日便成匹怪響引絲長緩憐絲澀靜夜寒  
闈幽韻雜刀尺亂愁誰颺千條縷爭把秋心織便無愁  
也自聽他不得

一籬金

殘菊

絕似佳人支病骨又似寒儒顛頽衣干結曉怕濃霜昏  
怕月重陽以後人間別蘆簾紙閣塵清絕占斷秋光  
也算花豪傑未脫塵根終有劫爲花懊惱多時節

汪菊孫

字靜芳錢唐人遠孫姊諸生金  
文炳室有停琴仁月軒詩詞

菩薩蠻

納涼

黃昏雨過流雲急尋涼閒凭雕闌立呼婢卷簾看池荷

香未殘 閒庭蟬罷唱月照梧桐上花外數流螢晚風  
團扇輕

柳梢青 春暮

過了清明輕寒輕暖春賸些些花褪鶯慵苔濃蝶懶閒  
掩窗紗 夢醒寶鼎煙斜又柳外紅搖暮霞怨殺東風  
一年春事都付楊花

洞仙歌

題南湖華隱樓圖

嫩寒三九看玉梅微睡記得徐娘舊庭宇奈粉奩零落  
香奩飄殘風乍緊卷了半湖春去 翠樓人已渺紫玉  
煙沈暮雨朝雲更何許蝸蝕壁間題鄰笛悠揚空惆悵  
花前俊侶賸幾樹衰楊亂嗁鴉忍卷裏重尋相思千縷

吳規臣

字香輪一字蜚卿金壇人  
吳縣顧侶松大令鶴室

郭頻伽曰蜚卿畫花卉風枝露葉雅秀天然  
詩詞皆嫻而不多見其客白門時嘗刻小詞  
數闕

青玉案

煙痕催暮風絲冷只有儂心領  
逝水年華真一瞬春花  
多笑秋花多病都是傷心境  
危樓鎮日無人影小立  
也拋清茗濁酒澆來心自警  
歡時偏醉愁時偏醒何處  
商量準

席慧文

字怡珊  
澠池人

鵲踏花翻

題黃韻甫帝女花院本傳明季坤興宮  
主事

露咽秦簫雲沈蜀鏡青門路斷無人識  
孰將舊事繁華

舊夢淒清一齊付與寒螿泣依稀豪竹間哀絳當筵細  
譜龜茲律寫出多少王康調逸泱痕和墨如鉛瀉回  
想禁苑鳥嘯鼎湖龍化落葉添蕭瑟千秋遺恨怕重提  
生憐明月圓還缺

方懷英

字晦餘錢塘人閩某室有倚香樓詞

南柯子

懷珪樓應夫人

曲沼荷錢碧繁枝榴火紅行帆流水夢無蹤翹首白雲  
當戶疊奇峯梁燕綢繆語懷人寥寂中關河百二路  
重重難向谿頭雙鯉問詩筒

許庭珠

字林風雲間人姚春木室

采桑子



紅櫻斗帳愁難寢明日花朝準備無  
橋 碧天如水橫珠斗荳蔻香燒韻字紗挑月寫花枝  
上綺寮

湯

芷 錢塘人

瑣窗寒

題湯德媛寒閨病趣圖

不恨偏愁非慵似懶恹恹終日年華逝水又是暮冬時  
節倚妝臺雙顰翠蛾雲鬢強整嬌無力正峭寒一陣侍  
兒低語夜來微雪 簾密休輕揭怕見了梅花憐伊瘦  
骨蔥尖攏袖閒窺還丹眞訣更多情呵凍草書幾回鹿  
脯從人乞待和風吹暖蘭房共玩春宵月

沈善寶

字湘佩錢塘人太  
守武寅齋陵雲室

滿江紅 渡揚子江

滾滾銀濤寫不盡  
心頭熱血問當年  
金山戰鼓紅顏歎  
業肘後難懸蘇季印  
囊中剩有江淹筆  
算古來巾幗幾  
英雄愁難說  
望北固秋煙碧  
指浮玉秋陽出  
把篷窗倚徧  
唾壺敲缺  
游子征衫攬淚  
雨高堂短鬢飛霜  
雪問蒼蒼生我欲  
何爲生磨折

徐庭照

字秋鑒號藕香德清人諸生戴銘金室

蝶戀花

湯雨生都督賢儷董雙湖夫人索題梅窗琴趣圖

問訊江南春到未  
添炷爐熏淨几冰絃理  
玉腕雙擡羅袖起  
翠禽飛上闌干嘴  
畫幅生綃煩鶴子

圖爲樂民公子作

人與梅花一樣多  
風致疎影暗香傳  
綠綺小紅不用吹

簫侍

丁采芝

字芝潤無錫人張淑徵女史女鄉雨  
香廷數室有芝潤山房詩詞二卷

百字令

病懷

露華侵曉釀春寒種種動人愁絕底事三更眠不穩窗  
外雨聲淒切細數銅壺頻添繡被獸炭紅爐滅心情無  
那不知還向誰說 况是十載離家半生作客入世遭  
磨折辛苦好償兒女債贏得病懷如結夢繞青門枕凝  
紅淚瘦影橫殘月晨雞三唱醒來又聽簷鐵

浪淘沙

重讀生香館詩詞題後

開卷便生憐好句如仙玉釵敲斷夢難圓如此韶華如  
此過那得延年 底事不成歡月夕花天懷人題徧衍

波箋箇裏傷心人不曉說也淒然

楊承惠

字蕊淵  
金匱人

聲聲慢

琴清閣填詞圖

竹如人瘦徑與塵疎猗蘭彈徹秋聲冷綠吹香風前樹  
帶泉鳴玲瓏畫樓東畔好闌干常自閒凭清晝永展冰  
綃尺幅衣袂涼生靜裏閒情堪賦更七條絃外虛籟  
泠泠字織紅絲淒然天遠秋清簾空不遮花影放殘陽  
纔近窗明歌未闕莫驚他雙燕夢醒

國朝詞綜續編卷二十三終

錢塘宗景藩子城校栞

國朝詞綜續編卷二十四

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

吳藻 十九首 查慧 五首

萬鈿 一首 許希瓊 二首

朱璵 一首 尹蕙 一首

趙葵 一首 關瑛 五首

陳紫婉 一首 陳書 一首

錢斐仲 三首

沈允慎 一首

于曉霞 三首

于懿 一首

汪仲媛 一首

陸禕 四首

阮恩灤 四首

凌祉媛 四首

汪淑娟 三首

鄧瑜 二首

錢瑗 二首

錢玉吾 一首

沈蕊 二首

秦雲 二首

包韞珍 二首

戴錦 一首

李月兒 二首

吳小荷 一首

吳

藻 字蘋香仁和人同邑黃某

室有花簾詞香南雪北詞  
黃韻甫云女士工詩善琴  
初刻花簾詞豪俊敏妙兼而有之續刻香南

雪北詞則以清微婉約爲宗亦久而愈醇也  
嘗與研訂詞學輒多慧解創論時下名流往  
往不逮其名噪大江南北信不誣也

### 喝火令

竹簾涼如洗蕉屏夢未招欲眠又起整冰綃且向碧紗  
窗下悄地檢香燒 愁怕和天說詩多帶病敲今宵依  
舊似前宵一樣鐙紅一樣漏迢迢一樣酒醒時節斜月  
上花梢

### 點絳脣

倚竹拈花生寒翠袖無人問一天風緊雁字來成陣  
畫角城樓又早催霜信憑闌認亂山隱隱祇與斜陽近

### 高陽臺



芳草黏天落花糝地嗁鶻枝上頻催把酒臨風問春春  
幾時回茶蘼不管東皇去一絲絲翠罨香圍好徘徊六  
曲屏開半幅簾垂 踏青已負年時約任柳綿如雪飛  
滿紅闌綠意惜惜夢中蝴蝶忘歸打窗一樣慳慳雨不  
多時聽到黃梅懶舉幃銀甲長拋玉笛休吹

連理枝

新樣蟬紗試拂面微風至簌簌殘紅濛濛落絮惱人情  
思鎮妝成重插玉搔頭戴櫻桃梅子 宿釀梨花漬蠶  
豆香盈指撲蝶期過餞春會了繡窗無事好韶華一晌  
便催歸怨嗁鶻不是

喝火令

扇引團團月衫更薄薄羅水晶簾子漾微波梳罷一窩  
雲鬢池上看新荷無意畱春住驚心怕病磨好天能  
幾日清和等得花飛等得柳絲拖等得芭蕉葉大夜夜  
雨聲多

卜算子

愁不共春歸界入雙蛾裏門外飛花幾尺深箇是埋愁  
地立近碧闌干淚溼羅衫子芳草何曾解斷腸人自  
傷心耳

虞美人

一盃婪尾香邊酒花事無何有今年忘了送春詞春短  
春長難道沒人知夕陽依舊銷魂色紅對池塘碧綠

陰移上小闌干不是傷心不會卷簾看

浪淘沙

垂柳綠毵毵雨洗煙含滿天飛絮落花攬記得畫船曾  
載酒簫鼓江南 睡折碧雲簷怯試單衫一春辛苦似  
紅蠶三起三眠三月病病過重三

蘇幕遮

曲闌干深院宇依舊春來依舊春來去一片殘紅無著  
處綠徧天涯綠徧天涯樹 柳花飛萍葉聚梅子黃時  
梅子黃時雨小令翻香詞太絮句句愁人句句愁人句  
賣花聲 黃韻甫帝女花傳奇譜長平公主事

法曲冷霓裳重譜紅腔修簫人愛月華涼吹得秦臺仙

夢煖小鳳雛凰 家國感滄桑滿地斜陽  
搖天笙鶴散  
花忙江管一枝春  
易著不斷生香

臺城路

秋蝶

一絲殘照西園路  
飛飛漸忘春事  
凍抱孤芳輕團落葉  
柳畔哀蟬身世琉璃  
扇子自撲過流螢粉  
痕羞漬瘦草  
荒煙謝家庭院  
黯詩思幽叢墜紅  
數朵月斜風露冷  
涼透雙翅寶髻  
香疎羅裙翠減  
歌板不堪重試  
秋心未死  
問明日黃花  
斷愁何似  
學畫窗前  
阿嬌寒素指

陌上花

風日清美游氛撲人屏居不出殊愜幽意

遊塵撲撲東風吹碎亂絲叢  
笛小住西湖怕見一湖春  
色玉驄嘶過紅牆外  
多少香車油壁想疑妝繡閣探芳

起早幾會將息 繞長隄是柳相逢半面青眼愁儂不  
識除卻梅花只有月輪知得移家入畫神仙福翻把畫  
中人隔任窗兒簾子重重遮斷四圍空碧

木蘭花慢

擬草窗

明湖千萬頃正春曉鏡奩張看日腳煙浮魚天漲碧鷗  
夢迷香橫塘鈿車繡幄趁流蘇鬢子鬱金裳空翠遙分  
鬢影亂紅低颺釵梁 垂楊嫩綠迴黃開燕剪弄鶯簧  
認第三橋外花驄慣識酒市深藏忽忙畫船去也漸鐘  
催暝色入斜陽銀鑰重關乍掩半山皓月飛光

浣谿沙

冰雪心腸句欲仙此身只合老湖邊水房春暗落梅天

拾翠幾人拋鈿朵添香獨自理琴絃好懷漸不似當年

蝶戀花

快翦并刀風又急不卷珠簾重把羅衫疊湖上樓臺春  
水拍杏花何處人吹笛萬樹垂楊和雨織第一橋連  
第六橋頭碧有約踏青無好日明朝况是逢寒食

月華清

柳稚勻黃梅嬌墮粉綺權春暗如霧曉鏡圓冰羞見遠  
山眉嫵計芳信逝水年華疎後侶畫船簫鼓輕誤問舊  
時羅袖淚痕紅否 棊几重尋笙譜說鬪草無心減蘭  
空賦燕去塵梁強半繡簾香阻玉纖冷怨寫琴絲銀燭

短閤敲釵股遲暮又碧雲四合晚陰窗戶

夏初臨

初夏苦雨追憶湖上舊遊用樊榭韻

夢雨飄簾凝雲壓屋吳綿欲卸還遲新綠谿橋花香洗  
淨明漪玉笙寒了休吹鞦韆鴉釵燕參差單衫輕舸依  
依餞春除是當時故園櫻筍芳事闌珊溼煙鎖斷酒  
市青旗垂楊自碧紅樓覓句人非煙草萋迷鈿車塵不  
到湖西短長隄催歸杜鵑老深枝

高陽臺

平湖秋月亭故址重新游者雲集舟過不得上沿隄自斷橋入裏湖

山遠浮煙湖圓抱玉絲絲楊柳輕柔未老游情累人催  
上蘭舟香塵漠漠西泠路占紅闌笑語臨流一篷幽搖  
碧誰來第二橋頭自從不作傷心句負夕陽芳草滿

地閒愁寂寂寥寥襟期澹過眠鷗東風幾陣回燒急峭  
寒生欲裊重裘懶句留花似濃春雨似涼秋

霓裳中序第一

七夕用草窗韻

羅雲晚翠疊玉井桐飄驚墜葉蛛網玲瓏暗結愛瑟瑟  
涼花彎彎新月春蔥膩雪理繡絨還檢鍼篋瓜筵畔風  
吹裙帶細語背人說 愁絕銅壺聲咽看銀燭畫屏漸  
滅秋期難會易別歎聘負金錢佩傷瑤珞有情天故缺  
聽怨曲嬌娥未闕仙如夢璇宮夜靜瘦影化雙蝶

查

慧

字定生又字菑卿錢唐人  
同邑詞人吳子述承勳室

黃韻甫云女史予同年月卿之妹詞友吳子  
述繼室也工寫花卉仕女并嗜弧矢嘗繪弋  
雁圖以寄意詞亦神味秀遠迥絕塵豔



如夢令

離外一痕殘雪池上一丸明月新種白藤花不許小鬟  
輕折休折休折箇箇養成蝴蝶

謁金門

鶯去矣拋下青梅又幾戲語小鬟來拾起晶盤同燕喜  
這在鞦韆架底那在牡丹叢裏半晌工夫尋見未拈  
毫閒畫你

南鄉子

壬寅春日登陽羨巖秀閣

簫語喚新晴小滴珍珠釀欲成偏是他鄉饒節物清明  
已見筠籃賣紫櫻 準擬放船行看畫谿頭穀浪生爭  
說夕陽紅處好零星一樹梨花一水亭

清平樂 湖上泛月

新涼似麴釀就西湖綠醉後尙堪斟百斛飛下一甌寒  
玉月華小駐橋東蕭蕭幾陣微風趁著采蓮人去不  
知身在秋中

搗練子

香黯黯漏盈盈水仙風裏試春燈翠簾卷後珊窗掩不  
怕今宵月太明

萬

鈿

字淑姬  
南昌人

滿江紅

題黃韻甫帝女花院本傳明季坤亂宮主  
事

殘照西風渾不見漢家陵闕更堪傷瓊麤珠蕊一般摧  
折家國空悲田換海親庭不奈金寒玦痛餘生何處認

離宮娥臺蹙 春繭恨絲難絕 銀燭淚 乾血歎吳門  
鶴去秦樓 簫咽眼底 新歡人倚玉 心頭舊怨 禽銜石比  
樂昌破鏡 強重圓 圓還缺

許希瓊

字佩蘭  
吳門人

闌千萬里心 山居

幾點青山翠 抹煙移家相 傍水雲邊日長無事 枕書眠  
聽流泉 半是閒人 半是仙

江南好

對月

看明月 拜罷起 徘徊花影 紛篩人影 悄蟲聲 斷續漏聲  
催珠露 滴蒼苔

朱

璵 字葆瑛 海鹽人 曲阜孔繡山廣文  
憲彝室有小蓮花室遺稿 金粟詞

減字木蘭花 病中偶成

木樨香滿花影一簾題句嬾瘦骨堪憐伏枕慙慙夜廢  
眠 鄉愁離緒病裏情懷添幾許怕聽殘荷滴瀝秋聲  
細雨多

尹

蕙 字蘅樓歸安人  
貢生陳長孺室

喝火令 詠鏡

整處原臨鵲愁來怕對鸞一奩照遍小屏山多少悲歡  
離合難諱兩眉彎 賞鑒情無隱消磨骨自堅何因挂  
向碧羅天當作天邊明月十分圓當作天邊明月長是  
十分圓

趙

葵 字儀姑上海人戶部侍郎秉冲女批驗大使  
烏程汪酉山延澤繼室有憶月軒詩文集詞

村

高陽臺

吳倚雲夫人梳桃綠窗吟草題詞

鶯媚能歌花嬌欲語比肩人倚朱櫺珊管輕拈畫眉螺  
子微青閒拋書卷閒停繡賭尖叉好句先成聽分明吟  
出紅窗總是雙聲玉簫淒咽秦樓鳳又天風吹送鸞  
背飛瓊畱取香歛幾多斷橐零星扁舟曾泊梅花堰弔  
詩魂冷月三更別寒檠讀罷遺編夢落瑤京

關

鍊字秋芙蓉錢塘人諸生蔣  
詞卿坦室有夢影詞

蝶戀花

題無人庭院圖

幾箇黃昏風雨惡鬧得苔紋綠滿闌干角薄日熏衣春  
氣弱小樓簾卷風翻卻春到紅桃纔破萼天作餘寒

又替花檐閣燕子歸來全不覺隔牆亂踏金鈴索

生查子

儂家江上頭潮到門前住一日兩三回不肯江南去  
江南有暮潮未識潮生處還去問梅花他是江南樹

清平樂

燕簾風絮幾疊江南樹纔起東風天又雨冷了一春詞  
句鏡奩消瘦朱顏鸞箋湘管都閒祇有未歸殘夢畫  
屏繞遍春山

卜算子

不諳卿

難得望春來君又畱難住到得君歸沒杏花卻又愁春  
去春去肯重來花落還開否到得明年有杏花又要

聽春雨

臺城路 晷光庵圖

夕陽欲下層巒去柴門隔林深閉遠水平帆殘鐘落樹  
萬疊青山簾底愁雲亂起正歸鳥寒邊瘦筇斜倚如綫  
青山濛濛松篠墮晴翠 當時素禽已遠畫闌紅一角  
都沒荆杞龕雨敲燈旂花瘦露人影一蒲團地先生去  
矣賸丹竈荒寒晚煙堆裏一枕潺湲冷泉流夢細

陳紫婉

字桐生海鹽人諸  
生陳文齋其姻女

虞美人 詠水仙

湘靈解佩凌波去都是畱春住替他歡喜替他愁也並  
梅花一處夢羅浮 天生修潔天生冷小坐明妝靚十

分香孕碧琉璣除卻窗兒外月沒人知

陳

書

字仲玉海鹽  
人文齋女

瑤華

詠水仙

峭寒孕寂每到花時被春風先識凌波去也早減了冷  
月三分顏色羅幃對影儘愁織簾痕淒碧試問他瓊蕊  
開殘誰解隔年相憶 香芽寸許纔抽漸出水亭亭看  
已盈尺今宵夢裏應許我細訴明明心迹冰魂未醒怎  
萼綠偷傳消息便肯教仙子重來禁得幾番淪謫

錢斐仲

字餐霞秀水人山西布政使錢昌齡女候選  
訓導德清戚士元室有雨花盒詩餘一卷

張鹿仙曰餐霞夫人爲南樓老人族裔書畫  
能世其業兼善屬文所爲詞幽憶怨斷惻惻  
動人正如鸞音鳳吹縹緲天外一掃闌襟綺  
豔之習



綺羅香 詠枕

蕙帳籠春文裊藉玉依約水晶簾裏好夢能圓何必道  
中連理帶三分膩鬢花香漬幾點相思情淚最愁他蓮  
漏迢迢背燈無語抱鴛被 相依孤旅更苦誰見塵牀  
自拂素衾漫啟待託歸魂還被曉雞催起慣偷窺雙靨  
偎桃也會上半肩行李甚新來愁病恹恹日高猶倦倚

解連環

抱愁含醉啓晶奩顧影臉霞消未解香絲輕付鸞篋驗  
舊夢無痕鬢雲疎翠幾摺紋紗可畱取那時清淚記砌  
蟲唧唧窗蕉策策伴人不作寐 輕衾又還自展更自  
寬羅帶自憐腰細慣淒涼守盡殘更漸忘卻人間歡娛

情味冷了熏鑪依舊是和衣斜倚怎禁他月曉霜濃叫  
寒雁起

又

西堂賃與唐氏矣已未三月六日過慎宜堂唐氏眷屬邀余過西堂蓋不知余懷之悲也歸而愴然賦此解

絮雲千點問何年種柳長條堪縮繞碧沼悄照春波怕  
鬢影蕭疎素絲偷換燕子翩翩定忘卻卷簾人面指臨  
書棊几學繡紋疏翠陰還滿誰忤這回再見料亭臺  
不語怨人輕賺記那時撼雪畱花泥去聲阿母深憐隔窗  
頻喚驀地傷心搵淚眼闌干憑徧恨無情杜鵑催去斷

霞弄晚

沈允慎

字湘濤仁和人錢塘諸生張錫元室有詠月軒詞

浣谿沙

一縷鑪煙畫掩窗繡衾斜擁怕經涼不教消領好風光  
病入秋來惟憶月花開雨裏不生香銷魂時節是重  
陽

于曉霞

字綺如金壇人馮馨畦女候補浙江知縣  
金小覺明府文淵室有小瓊華仙館詞

菩薩蠻

雨纖風軟春將半春愁空逐游絲亂孤負踏青期游蹤  
因病稀畫梁雙燕懶花落閒庭晚金鴨篆煙殘羅衣  
怯暮寒

水調歌頭

山色澹何處都在渺茫中白雲千縷萬縷忽現又還封

如此風光休誤只合焚香煮茗相對撫絲桐古寺隱林  
杪依約度疎鐘倚危闌舒遠目意無窮亂鴉陣陣歸  
去烏道暗相通嶺畔丹楓落去陌上綠楊凋盡晚節羨  
蒼松撫景一長嘯幽思付歸鴻

江城梅花引

冬夜寄故園諸姊妹

朔風陣陣透紗窗思微茫又昏黃欲撫瑤琴金鴨懶添  
香竹影參差簾幕靜對寒月意悠悠念故鄉故鄉故  
鄉道路長隔餘杭又吳江望也望也望不見煙樹蒼蒼  
猶記聯吟詠絮共評量惆悵而今千里別逢好景怕登  
臨空斷腸

于

懿字靜宜金壇人徵君喬齡女曉霞從妹  
懿慈谿縣丞鄧思錫繼室有淑芳詞一卷

醉花陰

梳裏登樓春起早  
新綠池塘草  
日日誤尋芳  
細雨絲風  
斷續何時了  
商量半臂鋪綿少  
花勒微寒峭  
卦裏問  
歸期越是多情  
越是多煩惱

汪仲媛

號香荃發塘人吳門張秀升舍人蘇蕃繼室有怡雲館詩詞鈔

蝶戀花

倦倚銀屏垂翠袖  
簾控金鉤  
怎解雙眉皺  
篆裏鑪煙  
燈似豆  
清宵數盡沈沈漏  
怪底夜來風雨驟  
點滴空階  
不解人傷  
慙顛顛自憐  
新病後  
關心最是秋花瘦

陸

菴字芝仙陽湖人浙江巡檢謝俊士室有繡餘吟稿

百字令

尤雲帶雨正花枝如雪江南春老記得鄰家諸女伴爭  
繡踏青鞵小梅雨新晴棟花風暖初試輕羅襖東風無  
賴卷簾驚墮唳鳥爭奈好事將闌韶華暗度離恨知  
多少綠樹成陰鶯燕瘦絮果蘭因潦草腸斷長亭魂銷  
別浦來歲歸須早閒愁脈脈落紅平砌休掃

惜分飛

送別

暗裏年華愁裏換淒絕離亭別館客路春將半鳥聲唳  
到柔腸斷款乃幾聲舟去遠一任魂銷不管回首紅  
橋畔柳花如雪斜陽岸

高陽臺

題蝶夢詞

金粉飄零玉階寂寞休提蘭絮前因如此繁華算來一

雲成塵靑衫依舊紅顏死儘無聊獨活青春怨無情萬  
縷垂楊不縮斜曛落花如海春如客便羅浮到得斷  
夢無痕月暗雲濃殘香裊著吟魂濁醪千盞詞千闕藉  
消磨幾箇黃昏最關心風又瀟瀟雨又紛紛

踏莎行

半爲離愁半因多恨無端花事消磨盡梧桐淚雨又秋  
聲重衾冷透眠難穩落葉吟枝殘燈地暈霜寒幾日  
西風緊誰家兒女伴黃昏玉簫吹徹梅花引

阮恩灤

字娟川儀徵人錢唐沈  
霖元室有慈暉館詞

浣谿沙

吳江舟次

江北江南暮靄平濛濛煙樹雨初晴萬家燈火隔湖明

陵  
風送歸雲棲斷嶺星連寒月帶孤城輕帆一刻過松

又

何處幽人玉笛吹新愁遙寄落梅時隔汀鷗鷺未教知  
江渚風濤驕客恨水窗絃索女郎詞夢回朱舫漏遲

掃花游

自雲樓手歸泛舟西湖游覽竟日倚聲成歌

嫩篁一徑正翠滴簷巽海霞初曉寺門漸杳更明湖盪  
槩鏡波迴抱極目羣峯百變雲容盡掃晚春好問隄柳  
舊栽添種多少先文達公撫浙時濬西湖會命海塘兵  
剪柳三千餘枝徧插蘇隄并令逐年添  
插干  
何事羸悞惱指絢碧亭臺俊游會到謝墩自小



歎而今賸有冷煙衰草

先文達公又於湖心積葑成推  
中建小亭徧栽桃柳杭人呼爲

阮公墩今圯  
廢有年矣

無限悲懷且聽鶯囀樹杪日西了儘徘徊

晚花池沼

日暮舟抵湧金門復游朱氏  
園時丁香大散霍糜可愛

訴衷情

繡絨窗底卷銀鉤蟬鬢理還休  
星期暗數靈匹河漢正西流  
思往事觸新愁莫凭樓梧桐夜雨點點聲聲漸

作深秋

凌祉媛

字蒞沅錢唐人諸生丁丙室  
有翠螺閣吟彙附詩餘一卷

菩薩蠻

簷鈴驚破紅閨夢曉妝人怯餘寒重  
纖手卷簾衣風前放燕飛  
落紅紛似雪倦了尋香蝶樓外易斜暉  
春歸

人未歸

念奴嬌

季夏泛舟湖上三潭荷花方盛柳陰小泊花枝壓船遠處綠陰搖動時露靚妝帶笑含顰彷彿浣紗西子也

綠雲迷望繫吟舟人在藕花香裏搖曳舞衣渾不定搥  
取滿襟涼意素影凌波清芬入夢都把鉛華洗千枝玉  
立四圍煙水無際當此小集裙釵碧筩喚飲幾度吟  
箋理世外輾紅吹不到消受湖天風味瑟瑟驚秋亭亭  
寫照送到斜陽未漁舟歸晚沙邊鷗鷺飛起

蝶戀花

翠螺閣納涼

亭院燈昏煙暗鎖靜夜迎涼斜凭闌干坐庭樹鴉棲清  
夢妥涼蟾飛上雲陰破銀漢無聲秋澹沲露溼釵翹

漸覺鬢雙彈竹外流螢三兩箇隨風又向衣邊墮

齊天樂

萬籟初寂涼月在庭清風徐來響動簷鐵  
歌枕聽之使人黯然欲絕也

蓮壺漏靜蘭房悄清聲送來何處碎響循廊繁音繞屋  
好向風簷尋去敲殘夜雨似一曲淋鈴隔簾聽取好夢  
難成半窗鏡影黯愁緒 秋深涼意漸緊玉關離思切  
遙和砧杵亭角煙荒樓陰月暗驚起棲枝雅侶無人院  
宇更落葉蕭蕭響攪蛩絮擾碎香魂枕邊如共語

汪淑娟

字玉卿錢唐人孝廉金繩武室有曇花集  
詞與孝廉泡影詞合刻於許花仙館詞中

洞仙歌

荷包牡丹

猩紅一棹有粉痕飄蕩疑出纖纖美人掌怕飛來胡蝶  
盡是金錢是昨夜如子筵前親賞 者般真錦地可惜

天公不把苔紋繡添上要向畫奩尋比與郎看可勝得

儂家花樣悔祇悔春愁萬千千未屬付東風替儂安放

憶舊游

薄冷初除芳菲未晚春人約我畫舫迎人柳依依以可憐花鬢鬢而欲笑晚鐘催黑被酒忘歸獨立蒼茫不知此身猶在塵世也同游者姑母初莖三妹雯卿

恁水涵愁影煙鎖愁容山掩愁妝更聽聲聲舫作聲聲  
款乃折盡愁腸一春花事消歇歸路忒微茫有點點饑  
鴉行行疎柳淡淡斜陽花香陌頭未問當日駟車誰  
嫁錢王回首登臨處祇荒陵水平碧斷塢泥黃茶蘼可  
憐春暮風雨苦收場怕明日西湖恩恩謝了蘭蕙芳

蝶戀花

胡蝶天天花底底佳花謝今番蝶也應該去抵死春風強

作主又吹伊入簾深處 一日斜陽三日雨 鬧得如今  
天也無憑據 何怪樓頭楊柳樹 有絲沒處尋頭緒

鄧

瑜

字慧玉 金匱人 恩錫女 錢塘諸生  
諸遲菊可寶 繼室有蕉窗詞一卷

湘月

病中感懷寄閩友

久疎吟詠 歎年來多病 朱顏消損 花事又隨流水去 漸  
覺日長人困 酥雨濺梅 軟塵颺翅 天也全無準 數聲鄰  
笛 夜闌 帳觸離恨 愁對寂寞 房櫳 藥鑪 火黑 氣息香  
微 醜 遠道 河梁 人幾處 盼斷 游鱗 問訊 半擁 紗衾 悄然  
獨坐 鬆枕 絲絲 鬢窗 梳月 有情 來照 方寸

賀新涼

莫秋湖上

第五橋邊去 繞橫隄 殘山賸水 柳髡如許 我與西湖初

識面風景淒清細數有幾帶望中煙樹岳鄂王墳蘇小  
墓信英雄兒女分千古移畫舫向何所 水天別映孤  
山路放中流斜陽影澹一支柔艣乍聽鐘聲風外落知  
在雲深深處又背轉蘋洲菱渚畱得殘荷依弱蓋可憐  
紅猶作淩波步閒意態問鷗鷺

錢

璦

宛平人諸生錢  
筱南符祚女

長亭怨慢

題帝女花院本

問何事興亡重譜爲惜瓊花慘遭風雨幾點殘山倩誰  
來畫舊眉嫵杜鵑嗁苦家國恨從頭數缺陷總難償合  
付與傷心人補 三五算華年草草併向亂離中度恩  
恩去也夢不到舊時宮樹倩絮影替寫愁痕又生怕斜

陽無主祇一縷情絲還被犀簾鉤住

百字令 題桃谿雪院本

餘生有幾最難得挨到收梢時節妨命祇緣才太豔倒  
受千般磨劫錦字緘情緣華寫恨

用本  
事

淚點成紅雪至

今谿畔但聞流水嗚咽遙見狂虜氛中桃花一騎絕

代傾城色直算望夫山下殞梔子同心先結

用本  
事

兵氣

飛揚愁雲慘淡魂冷天邊月我來題曲凍痕冰指如鐵

法曲獻仙音

敬次大人題管夫人大士畫像韻

著墨句衣吮毫添暈腕底香畱千古竹裏行吟月中窺  
影愁心問伊知否豎一指談禪也天花墮如絮恨難  
數更誰憐夢塵醒後多少事贏得幾聲才女莫再種情

根願來生重轉西土滿眼青蓮是鷗波曾共游處悔身  
無雙翼去伴聽經鸚鵡

錢玉吾

宛平人  
後南女

鳳凰臺上憶吹簫

題拙宜園樂府五種

修月簾櫳織雲亭榭最宜琴語纏綿爲愛拈紅豆瘦了  
三年病酒傷春情緒都付與急管繁絃消魂處夕陽無  
限祇在愁邊誰憐拍中換拍千萬折柔腸欲斷還連  
算一番花放一度離天唱到青青柳色催夢去夢也難  
圓歌筵畔拚將此身化作嘯鶻

沈

蕊

字芷鄉嘉興人西雍觀  
祭燾女桐鄉勞介甫室

玉女迎春慢

雪美人



衣織冰綃妝初竟悄立玉樓瓊戶脈脈新愁舊恨淚滴  
斜陽紅處芳容難駐怕弱質不勝風露前因曾悟消得  
冶情羞比飛絮 亭亭獨對梅花無言斂黛似傳心素  
好把聰明懣盡莫化唐宮鸚鵡月痕微度更冷胃一身  
香霧雅韻天然恐有隔窗人妒

綠意 芭蕉簟

朱闌六曲翦碧痕漾水清潤如玉八尺含風莞弱都拋  
銀牀晝展幽綠蛛塵幾度殷勤拂看滑芴琉璃光熟算  
織成一片回紋畧勝素心愁束 猶記紗櫺夢醒雨聲  
聽滴瀝吹斷還續午倦停鍼靜倚閒眠雅韻最宜窗北  
憐他人影如秋瘦怕寒逗雪膚珠粟愛月明庭院鋪來

掩映數竿脩竹

秦

雲

字佩芬山陰人蕭山參軍丁藍叔文蔚副室有媚晴樓詞草

臺城路

題蔣平伯茂才坦菽光紀游圖

小紅亭子清谿上綠階自生秋草亂竹飄泉喬松閣雨  
如綫長江橫繞殘星曙早漸煙火人閒萬家青曉風起  
潮音布帆點點出林杪前塵回首如夢荒涼苔蘚碧  
沈沒丹竈鐘影沈秋茶聲過夢猿鶴空山都老湘簾下  
了只一片寒雲晚樓低到獨倚危闌亂林風自埽

臨江仙

自題海棠菱鏡畫冊

春寒小院剛初起畫幰垂地周遮妝臺淺碧護文紗海  
棠帶露紅彈鳳盤斜舊日花時人共語今朝人去天

涯瘦眉慵畫鬢歌雅掩掩情緒掩鏡嬾簪花

包韞珍

字亭玉號菊籬錢塘人孝廉包厚慶女嘉興莊丙照室有淨綠軒詩詞

浪淘沙

玉露下泠泠斜漢無聲風吹砌竹近三更一帶紅牆臨  
小院飛過流螢寂寞繞廊行屈戌雙扇往來魂夢不  
分明珠淚半乾燈半熄一晌恹恹

菩薩蠻

庭前綠葉漸濃計餞春無半月矣病起有懷率成短闕

綠陰一地池塘靜翠生一地羅衫影扶病倚闌干簫聲  
起暮寒日長雲鬢彈不耐熏香坐斜日下樓西夢回  
聞鳥嘯

戴

錦

字綺江吳興人張金笙繼室有焚餘草卅詞

如夢令

春夜

波弄一池風，  
皺香滯小鑪煙。  
瘦月上半闌，  
干夜靜只聞更漏。  
依舊依舊，  
人立黃昏時候。

李月兒

丹陽妓

荊州夢

閨情

芍藥闌邊花少，  
漸覺薰風未了。  
姑惡一聲聲，  
到月沈天曉。  
拾得紅箋，  
微笑輕招一痕灣。  
小拋與玉堂人，  
可識麻姑仙爪。

祝英臺近

寄贈邀看龍舟

月鉤斜，榴火豔，  
競渡滿遙浦也。  
擬同游，沒箇爲歡處。  
怕伊粉蝶齊飛，  
彩鸞雙舞。  
悲冷淡孤鴻，  
誰與能相顧。  
只

這練水谿邊便是藍橋路又恐饑鷗驚破冶春塢那堪  
斜照城闌晚風舟尾難排遣酒闌人去

吳小荷

南昌妓

菩薩蠻

自題畫蘭

怕聽南浦潮嗚咽斜陽那管人離別醮淚寫幽蘭素心  
如許酸齊紈儂自製莫向秋風棄妒殺扇頭花先隨  
君到家

國朝詞綜續編卷二十四終

錢塘宗景藩子城校刊

國朝詞綜續編跋後

嘗謂文章之傳世殆有數存斯言豈不信哉余於咸豐丁巳就海鹽黃韻甫先生甥館讀先生所箸詩古文辭深獲師資而於詞則夙所未諳先生爲余指證源流講解音律余雖心好而未能也一日先生出是編示余曰乾嘉以降詞人輩出余摭採得六百家披吟抉擇抄摭成編將欲繼竹垞蘭泉兩先生詞綜之選傳其詞並傳其人悴心力於茲者已十年矣余固知先生傳世之心深且摯徒以粵逆之警時有戒心未暇卒讀也歲庚申余赴禮部試賊陷吾杭家頓燬內子挈子女間關至鹽依先生居余聞難遄歸吳禾亦不守遂相與播遷雖烽

燧之中室家靡定而先生恒挾是編以自隨越明年海  
鹽陷轉徙平湖之梅家浜賊又踵至迫促眷屬倉猝登  
舟百物無一攜者日嚮暮內子欷噓太息曰凡物不足  
惜詞綜一編老父十年刪定用以傳一代之詞人乃亦  
委之而去耶拔淪陷而出之是在吾子蓋內子於是編  
亦嘗肄業及之也余韃之拂衣起命奴子寵爨行斯時  
也野徑荒荒犬吠如豹陰霾之氣偪墜毛髮數里抵逆  
旅主人已先亡去入室冥搜得小笥盈尺而是編在焉  
返告先生且驚且喜自是歷涉險阻間道走海昌渡越  
之蕭然山繼又自越而甬而滬以達於楚嗟乎此吾兩  
家之出死入生而亦是編不遭淪喪之數也壬戌秋先

生宰宜都甲子由松滋謝事還武昌老病俱至謂余曰  
生平著作及所輯書乃爾夫嬪出之兵燹者必爲我傳  
之未幾先生歸道山余亦從而學宦萃其遺箸次第劖  
劂獨是編卷帙繁多未暇及也壬申自襄陽需次省門  
乃商訂於同人總其成於張鹿仙都轉諸遲菊孝廉任  
校勘月樵胡觀察爲之付梓今年六月工告葢信乎是  
編其傳矣顧自粵逆之變海內藏書之爲薪爲燼者何  
可勝道而是編也設非先生采輯於前余出之烽火之  
後六百家之光氣縱不至概焉澌滅而其存者蓋幾希  
矣乃竟攜之數千里藏之逾十年又幸時際

昇平得諸君子相爲考訂使其詞傳其人亦傳蓋詞人



國朝詩話卷之二  
之靈隱爲呵護歟抑文章之傳世信乎其有數存也至  
若詞中之奧窈余不能贊一詞詞人之姓氏爵里與甲  
科先生編輯於二十年之前亦不敢有損益特以是編  
之所由始與其所由成殆有數爲之者謹述其略如此  
同治十二年歲次癸酉宗景藩跋於春陵官廨